

Estilo
Salud, Moda
y Belleza
E-mail: espectaculo@diario.aw

Mehora bo beis liher

Drs. Marisol Krosendijk, Psicologa

Hopi biaha nos ta tende hendenan bisa "Ami no por controla mi emocionnan." Tin otro hendenan por hasi comentarioman manera: "Bo no mester controla bo emocionnan. E no ta bon pabo"

Pero ta parece cu hendenan cu ta asumi esaki ta confundid regulacion di emocion cu supresion di emocion-y nan no ta mesun cos. Dijis pasobra bo ta lanta fastioso no kiernen cu bo mester keda cu mal beis. Y djies pasobra bo ta nervioso tocante algo no kiernen cu bo no por calma bo mes.

Regula bo emocionnan ta kies pa hasi bo mes cargo di con bo ta sinti. Esey no kiernen cu bo ta bai forsa bo mes pa ta contento tur ora-de hecho investigacion ta mustra cu forsa bo mes pa ta contento henter ora tin un contraefecto. Pero e si kiernen cu bo por hasi escohencianan pa stimula bo beis ora bo ta tristo of calma bo mes ora bo ta fada.

Akibou 5 habilidadnan cu por cambia con bo ta sinti:

Distraction

Lo mas cu bo pensa pensamentonan cu ta molestia bo, lo peor bo lo sinti. Asina ta en bes di cubo keda recapitula locual bo casa a bisa, of worry tocante e reunion fastioso cu bo ta bai tin mañan, distrae bo mes cu un



actividad. Scucha musica, bai cana, of hasie cualkier cos cu bo por pa interveni den bo cerebro.

Investigacionnan ta mustra cu distraction ta e manera mas efectivo pa deal cu ansiedad intenso. Si bo por ehempel ta sinta na oficina di dentista wardando pa bai hasi un operacion pa saka bo verstandkies, distrai bo mes cu un revisita of text un amistad tocante un otro topico. Y purba haya algo pa ocupa bo mente durante e operacion tambe-distraction por ta efectivo den reduci dolor fisico.

Reevaluation

Cambia con abo ta mira un situacion por cambia con bo ta sinti. Bisa bo mes cu bo amistad cu ta papia hopi djes mester apoyo of corda bo mes cu un colega su presentacion iritante ta sali for di su deseo pa hasi e mihor cu e por, por yuda bo keda calmo.

Reevaluation cognitivo ta un di e manera nan mas liher pa shift bo emocionnan.



Investigacion ta mustra cu si bo cambia e manera cu bo ta pensa tocante un situacion, esaki ta cambia bo culpa su re-



a c -
cion fisiologico. Bo curason no ta bati asina duro mas ora bo ta rabia, y bo mannan no lo soda tanto ora bo ta nervioso. Asina emocionnan intenso ta keda menos liher pa manifesta.

Humor

Humor ta crea cambionan den bo cerebro y ta nabo un "boost" positivo inmediato den bo beis. Un bon sentido di humor a wordo relata cu tur cos di mehoracion den salud fisico te un mihor bida social. Si bo hasi un chance of bo amistad ta bisa algo pret, humor di bon naturaleza ta e yabi pa maneha bo emocionnan.



Tuma distancia temporalmente

Tuma distancia ta cambia bo manera di pensa door di yuda bo wak e imagen mas grandi. Pensa arriba con bo ta avendia y con bo lo ta den futuro. Imagina con hopi e preocupacionnan di awe lo importa den 1, 5 of 10 aña. Si bo ta tristo pasobra bo no a haya un promocion, of nervioso tocante un decision di bida cu bo tin cu hasi, kizas bo lo realiza cu e cosnan ey no lo echt importa mas leu. Estudio-


Cabrito stoba

Ingredientenan:

- 1/2 liber carnis
- 1/2 liber carni cabrito
- 1 promenton corta chiquito
- 2 siboyo mediano corta chiquito
- 2 teenchi konoflook
- 1/2 promente corta fini
- 2 tomati pela y corta den cuater
- 1 telep sucu
- 1/4 telep nootmuskat
- 2 cuchara di rucu
- Lamoench na smaak
- Salo y pepper

Lab a e carnis, kita e vet y pone herbe pa 15 minut. Cambia e awa un biaha. Corta e carnis den pida pida. E cabrito bo ta season e cu salo, garlic powder, onion powder, nootmuskat y pepper. Tambe agrega e season, English sauce. Agrega e carnis y si mester un tiki awa. Cushina e cabrito te ora e ta casi cla y agrega e batata y pasta di tomati y cushina te ora e batata bira moli.

TEC INC.
The Eighth
Continent, INC.
Import & Export
SEA BEST
Arendstraat 103 Oranjestad Aruba P.O. Box 440, Aruba
Tel: (297) 582-1304, Fax: (297) 583-5083
Website: www.tecaruba.com



nan ta mustra cu haya un perspectiva apropiada ta yuda bo keda calmo, maske bo ta den situacionnan difícil.

Cambio di situacion

Si cambia e manera cu bo ta pensa tocante un situacion no ta parece un opcion posibel, cambia e ambiente. Un cambio di ambiente por envolver un cambio grandi, manera cambio di trabou of muda pa un ciudad nobo. Pero estudionan ta mustra cu e no mester ta un cambio drastico pa ta efectivo. Dici di sinta banda di un colega mas positivo en bes di uno negativo of kies pa bai cana den bo break en bes di come den bo oficina por ta tur locual bo mester

pa drecha bo beis.

Pensamentonan Final:

Tin biaha nos lo haya mal beis sin motibo, y nos ta djes sinti pa subi cana y sconde di e dolor y retontan di cada dia. Pero, nos no por djes scapa di e obstaculon cu ta pasa den bida; nos mester enfrenta nan, y deal cu e mal beis nan cada bes cu nan manifesta. Esaki no kiernen cu bo no por sinti sentimentonan negativo, pero en bes di esey, sinja con pa comprende kiko e sentimentonan aki kienmen, y traha cu nan na un manera positivo. Bo por cambia bo futuro door di cuminsa awe pa cambia bo beis... Stay Well Aruba!